

Surat khabar: Utusan Sarawak (Sukan)

Hari/Tarikh: 4/12/2013

Muka surat: S

Tajuk : Kejohanan Tarik Kalat SeBorneo 2013 Perantau Borneo 1 Juara.

• Kejohanan Tarik Kalat SeBorneo 2013

ADENG IDRUS

PASUKAN yang mewakili daerah Limbang, Perantau 1 Borneo muncul juara Kejohanan Tarik Kalat SeBorneo setelah mengatasi juara bertahan dari Sabah, Kudat Power untuk membawa pulang Piala Pusingan Ketua Menteri, Pehin Sri Abdul Taib Mahmud.

Sang juara yang berjaya menumbangkan 17 pasukan itu membawa pulang wang tunai RM10,000.

Sementara itu pasukan juara tahun lepas Kudat Power (Sabah) terpaksa akur di tempat kedua dengan menerima wang tunai RM5,000 dan piala irangan. Manakala pasukan Papar Viking mendapat tempat ketiga dengan menerima RM3,000 dan piala irangan.

Sementara pasukan Apache Sungai Bedau dari Wilayah Persekutuan Labuan membawa pulang RM2,000 selaku tempat keempat.

Hadihan kemenangan disampaikan sendiri oleh Ahli Dewan Undangan Negeri (ADUN) Bukit Kota Dr Abdul Rahman Ismail

yang juga merupakan pengasas kejohanan tarik kalat (tali) yang berprestij di rantau ini.

Turut sama ialah Residen Limbang Maria Hasman, Pegawai Daerah Limbang Hamdiah Bakir, Temenggung Ang Kheng Su dan Pemanca Alic Jaha.

Terdahulu seramai 17 pasukan menyertai kejohanan kali ini membabitkan empat pasukan dari Limbang (Perantau 01 Borneo, PNK, Kulimbabau, Slimbada), enam pasukan dari Sabah (Belantak Sipitang, 1 Borneo Beaufort, Papar Caterpillar, Kudat Power, Papar Viking, DBKK Team), pasukan EWC Anak Brunei (Brunei), tiga pasukan dari Sarawak (UNIMAS, Briged Sarawak PGA, Tali Fidhalat Miri) dan tiga pasukan dari Wilayah Persekutuan Labuan (Apache Sungai Bedau, Kuda Majal dan Otai Tug Team).

Edisi ketujuh kejohanan ini bakal menyaksikan perubahan besar tahun hadapan apabila dimasukkan dalam kalender pelancongan negeri Sarawak dan pembabitan penyertaan juga diperluaskan kepada pasukan daripada wakil

Perantau Borneo 1 juara



JUARA BORNEO... Dr Haji Abdul Rahman (belakang tengah) dan kenamaan lain bersama pasukan juara Perantau 1 Borneo selepas menjuarai Kejohanan Tarik Kalat Seborneo 2013.

setiap Bahagian di negeri Sarawak ini seperti yang disarankan oleh

Menteri Muda Pelancongan Sarawak, Dato Talip Zulhipi yang merasmikan kejohanan berkenaan Jumaat lalu.